

Chu Yeje

—¿Ha hyij camahani ne xi tsehe chjoo ne vexe xi tjemu tucja camahani chu yeje? Ta chu yeje xi tucja ri chu ne ngaja ngajni re nihnde scua re nangui ne ngaja sacu ri chjoo ru. Scua re nangui ja ne hya xi nduva tjo ne fi yeje xte cojo chjoo ja ne xi sate re me tuhaxi xi tji. Hane tsehe xi fenguij ne cojo ni tjiava re chini vexe xi tjemu tucja ri chu. Tucja chu xi xihj. Tucja chu xi chjuu xi sua sa chu chjoo. Tjemu cji chjoo sua chu ta hisca 200,000 chjoo sua chu xi ngu ndiya ni. Vexe xi tjemu matje chu. Vexe xi jemu meje re xi cuidadu nihni cojo sa xi yij camaha tucja ri chu. Vexe xi hora xi xini ngu tuhaxi ne meje re xi cjuengui.

Hane sa xi vetju suva ngu jo chu ne vetju chu ta tsehe xi tjercu hinch camahani chu. Ho hya xi vetjucaa nu ne ha ndajasa xi marquij naja ne hacuaha hme suva chu ta tsehe xi cama changa chu hane vetju suva chu. Peru hinch sa quihndi ru.

Hacuaha tjemu tsavi ta chu yeje ni ne tjemu cji xcusu camahani chihj xi yaha chu. Chu yeje ne sahmi chu xi visatjehnga naja ngu sue, vexe xi vesu naja, xi faha naja. Vexe xi jine cahntsua naja. Vexe xi hisca rcuu faha re. Vexe xi tjemu meje re xi cuma cuidadu.

Ndatji xi nihnaa cuidadu peru tuxa maji ma cuidadu xi ndaja camahani ta tsehe xi nguehe tjemu siu chjoo re chu ja. Vexe xi meje re ne xi siuu rqui ne cojo sa xi yij camaha xati cuaxecu naja chihj xi hyuu rqui. Hisca meje re xi siuu rqui jo yja ndiya xi ngu nu ne hacuaha cuetju naja chu. Sehe cuma ndaja ngahnu naja ta tsehe xi tsaji me xi sahmi cojo naja hya xi cuetju chu, ta chu vexe hinch chu xi tjemu choho sahmi chu cojo naja. Vexe xi cjua vexe ne meje re xi cuetaharcuu ne cuma cuidadu.

Lombrices Intestinales
La información de este folleto acerca de las lombrices intestinales
fue escrita en mazateco según la narró una vecina del pueblo de
Chiquihuitlán.

Lombrices Intestinales
*
en mazateco de Chiquihuitlán
3-185 México, D.F. 5C
1974

Esta edición consta de 500 ejemplares

